



INFORMACIJA O ORGANIZOVANOSTI I PROVOĐENJU ZAŠTITE OD POŽARA NA PODRUČJU OPĆINE TEŠANJ U 2013. GODINI

I - UVOD

U skladu sa Programom rada općinskog vijeća Tešanj za 2014. godinu, Općinsko vijeće jednom godišnje razmatra Informaciju o organizovanosti i provođenju zaštite od požara na području općine Tešanj. Informacija ima za cilj da prikaže stanje organizovanosti, opremljenosti, potpunosti i spremnosti Odjeljenja zaštite od požara i vatrogastva - Profesionalna vatrogasna jedinica (*u daljem tekstu Vatrogasna jedinica*) i ukaže na aktivnosti koje je potrebno poduzimati na daljem organizovanju, razvoju i jačanju Vatrogasne jedinice na području općine Tešanj.

Zaštita od požara na području općine Tešanj je organizovana kroz Službu civilne zaštite odnosno Odjeljenje zaštite od požara i vatrogastva - profesionalna vatrogasna jedinica Tešanj, na osnovu Zakona o zaštiti od požara i vatrogastva (Sl. novine FBiH broj: 64/09), Zakona o zaštiti i spašavanju ljudi i materijalnih dobara (Sl. Novine FBiH broj: 39/03, 22/06 i 43/10) i Zakona o zaštiti od požara ZE-DO kantona (Sl. novine ZE-DO kantona broj: 5/11).

II - ORGANIZACIJA VATROGASTVA NA PODRUČJU OPĆINE TEŠANJ

Vatrogasne snage za obavljanje vatrogasne djelatnosti na području općine Tešanj su:

- 1) Profesionalna vatrogasna jedinica Tešanj, koja predstavlja **osnovne snage** za vatrogastvo;
- 2) Služba zaštite od požara, koja predstavlja **dopunske snage** za vatrogastvo;
- 3) Dobrovoljne vatrogasne jedinice Dobrovoljnog vatrogasnog društva „Tešanj 1905“ i Dobrovoljnog vatrogasnog društva „Jelah“;
- 4) Operativni centar civilne zaštite općine, koji osigurava komunikacijsko – informacijsku podršku, vatrogasnoj jedinici, štabovima civilne zaštite i drugim organima koji rukovode akcijama zaštite i spašavanja na ugroženom području,
- 5) Štab civilne zaštite općine.

Na području općine Tešanj Vatrogasna jedinica, vrši sljedeće operativne i druge poslove:

- gasi požar i spašava ljude i materijalna dobra ugrožena požarom i eksplozijom na otvorenom prostoru,
- gasi šumske požare, požare na građevinama i materijalnim dobrima svih vlasnika i korisnika gdje god se požar pojavi,
- pruža tehničku pomoć u spašavanju ljudi u nezgodama izazvanim u saobraćaju (cestovni, jezerski i riječni), poplavama, spašavanju sa visina i drugim akcidentnim situacijama i nesrećama u kojima vatrogasna jedinica može pomoći u spašavanju ugroženih ljudi i materijalnih dobara,
- učestvuju u provođenju određenih preventivnih mjera zaštite od požara općine, a koje mogu provoditi profesionalne vatrogasne jedinice,
- pruža odgovarajuću pomoć u spašavanju ljudi i materijalnih dobara kod postojanja stanja prirodne i druge nesreće.
- Vatrogasna jedinica pored redovnih poslova spašavanja ljudi i imovine, svoj rad usmjerava na protivpožarnu preventivu: servisiranje aparata za početno gašenje požara,
- Vatrogasna jedinica takođe radi i usluge prijevoza i prodaje vode za stanovništvo, usluge rada kamiona ljestava za druga lica (usluge rada na visini), usluge prevoza određenih stvari i lica za Općinu ili neku drugu javnu ustanovu, pranje općinskih i drugih vozila .

1. OPERATIVNO DJELOVANJE VATROGASACA

1.1 Vatrogastvo

Vatrogasna jedinica Tešanj u 2013. godini realizovala je svoje redovne obaveze na području općine Tešanj na površini od 163 km² i imala je **55 intervencija** gašenja požara i spašavanja ljudi i imovine.

Rad u Vatrogasnoj jedinici se odvija u smjenama po 12 sati uz stalno dežurstvo u vatrogasnoj službi 24 sata dnevno sa po 2 člana smjene, Starješina grupe i vatrogasac.

Pregled formacije PVJ Tešanj

Tabela: 1

| RED. BR. | FUNKCIJA | POTREBNO | POPUNJENO | UKUPNO | STAROSNA STRUKTURA | | | |
|----------|---------------------|----------|-----------|--------|--------------------|-------|-------|-------|
| | | | | | Do 35 | 35-45 | 45-60 | Od 60 |
| 1. | Starješina jedinice | 1 | - | - | - | - | - | - |
| 2. | Starješina grupe | 5 | 5 | 5 | 1 | 2 | 2 | - |
| 3. | Vatrogasac vozač | 5 | 2 | 2 | - | 2 | - | - |
| 4. | Vatrogasac-serviser | 2 | 2 | 2 | - | - | 2 | - |
| 5. | Vatrogasac | 5 | 2 | 2 | 1 | 1 | - | - |
| 6. | UKUPNO: | 18 | 11 | 11 | 2 | 5 | 4 | - |

Potrebno je napomenuti da određen broj starijih vatrogasaca nema potrebnu fizičku kondiciju, ne posjeduju sposobnosti za spašavanje sa visina, ne posjeduju sposobnost za evakuaciju povrijeđenih i za intervencije koje zahtijevaju teški fizički napor i gašenje požara na visokim objektima.

U 2013. godini je primljen jedan vatrogasac u stalni radni odnos a jedan stariji vatrogasac je razdužen poslova vatrogasca zbog zdravstvenog stanja.

2. OPREMLJENOST VATROGASNE JEDINICE

Vozila sredstva i oprema PVJ Tešanj

Tabela: 2

| Red. Br. | Marka i tip vozila | Namjena vozila | Godina proizvodnje | Sadržaj vozila | | | Starost Vozila (godine) |
|----------|--------------------|----------------------|--------------------|----------------|------|-------|-------------------------|
| | | | | Voda | Prah | Pjena | |
| 1. | MAN 520 | Auto ljestve | 1962 | | | | 52 |
| 2. | MERCEDES 2400 | Navalno | 1972 | 2500 | | | 42 |
| 3. | TAM-5000 | Cisterna | 1976 | 5000 | | | 38 |
| 4. | FAP-1616 | Kombinovano | 1981 | 4500 | 1000 | 500 | 33 |
| 5. | MERCEDES 5000 | Navalno | 1984 | 5000 | | 500 | 30 |
| 6. | FIAT DUCATO | Kombi | 1995 | | | | 19 |
| 7. | BAGER | Radno | 2003. | | | | 11 |
| 8. | ŠKODA ROOMSTER | Putničko | 2010 | | | | 4 |
| 9. | FORD TRANSIT | Malo navalno vozilo | 2013 | 1000 | | 100 | Novo vozilo |
| 10. | FORD RANGER | Malo tehničko vozilo | 2013 | 150 | | | Novo vozilo |

Iz gore navedenog pregleda se može zaključiti sljedeće:

U 2013. godini Općina Tešanj za potrebe Profesionalne vatrogasne jedinice nabavila je jedno novo vatrogasno vozilo (vozilo pod red br: 9.) iz sredstava "fonda i naknade za vatrogastvo" za gašenje požara u uskim ulicama i prolazima, za gašenje šumskih požara i sl.

Takođe u 2013. godini ova jedinica je od Kantonalne uprave civilne zaštite ZE-DO Kantona dobila na korištenje vozilo za tehničke intervencije (vozilo pod red br: 10.), intervencije prvenstveno u saobraćaju spašavanje ljudi i gašenje požara.

Ono što nedostaje od vatrogasnih vozila je, vatrogasna cisterna prateće vozilo za snabdijevanje vodom na požaru, vatrogasno šumsko/terensko vozilo, i određena zamjena postojećih vozila.

Sva ova vozila su tehnički ispravna i registrovana i redovno se održavaju ali potrebno je u prosjeku od 0,5 – 1,0 min. da se ona aktiviraju iz pasivnog u aktivno stanje (dok motor ne postigne odgovarajući radni pritisak zraka). Zbog starosti, zamora materijala, ona gube svoju osnovnu funkciju i time stvaraju probleme prilikom intervencije, prilikom kretanja brzina se mora uskladiti prema vozilu, a ne prema potrebi.

Kod servisiranja ovih vozila postoji problem izbjegavanja rada i popravki od strane automehaničara zbog starosti i evidentan je problem nedostatka rezervnih dijelova za iste.

Kako bi vatrogasna jedinica bila što mobilnija i efikasnija, vatrogasna oprema i tehnika mora biti pouzdana i sigurna.

3. STANJE ZAŠTITE OD POŽARA

Tabelarni pregled intervencija gašenja požara u periodu 2009. - 2013. godina

Tabela: 3

| Vrste požara | 2009. | 2010. | 2011. | 2012. | 2013. |
|------------------------------|-----------|-----------|-----------|------------|-----------|
| KUĆA | 17 | 11 | 15 | 19 | 13 |
| SAOBRAĆAJNI UDES I POŽARI | 8 | 6 | | 5 | 6 |
| POMOĆNE ZGRADE | 8 | 2 | 5 | 8 | 8 |
| ŠUMA I NISKO RASTINJE | 7 | 5 | 62 | 84 | 13 |
| POSLOVNI OBJEKTI | 8 | 4 | 7 | 7 | 8 |
| KONTEJNERI | 3 | 3 | | | |
| GUME I OTPAD | 2 | 1 | 2 | 4 | 7 |
| SIJENO | 5 | 1 | | | |
| PLINSKA BOCA | | 1 | | | |
| OSTALO | 7 | 12 | 4 | | |
| UKUPNO | 65 | 46 | 95 | 127 | 55 |

Napomena: pod stavkom OSTALO je podvedeno sljedeće: intervencije na poplavama, požari trafo stanica, vađenje unesrećenih, požari na javnim rasvjetnim stubovima i sve drugo što nije moglo biti svrstano pod jednu od ponuđenih kategorija.

Vatrogasna jedinica u 2013. godini po osnovu izlazaka na požar, prevoz vode stanovništvu i druge potrebe, prešla je sa svojim vozilima ukupno 16.598 km, vozila su pod punim opterećenjem radila u mjestu ukupno 237 sati.

4.S LUŽBA ZAŠTITE OD POŽARA:

Općina Tešanj, Služba civilne zaštite je 2014. godine formirala Službu zaštite od požara a do sad je bila formirana specijalizovana jedinica zaštite od požara koja je ukinuta u februaru 2014. godine.

Ova Služba trenutno broji 19 pripadnika, formirana je od članova DVD Tešanj 1905 i DVD Jelah.

Služba zaštite od požara predstavlja dopunsku organiziranu snagu civilne zaštite.

Na osnovu članova 122. i 123. Zakona o zaštiti i spašavanju ljudi i materijalnih dobara od prirodnih i drugih nesreća (Sl. Novine FBiH broj: 39/03, 22/06 i 43/10) formiraju se, Službe zaštite i spašavanja.

4.1. ORGANIZOVANOST I POPUNJENOST SLUŽBE ZAŠTITE OD POŽARA

Tabela br.4

| OPĆINA TEŠANJ | Naziv službe | Formacija | | Popunjenost | | | Starosna struktura | | | | Pol | | Stručna Sprema | | | |
|---------------|--------------------------|-----------|------------|--------------|-----------|-----------|--------------------|-------|-------|-------|-------|--------|----------------|----|-----|-----|
| | | Vod | Odjeljenje | Po formaciji | popunjeno | Nedostaje | Do 35 | 35-45 | 45-60 | Od 60 | Muški | Ženski | VSS | VŠ | SSS | NSS |
| | Služba zaštite od požara | - | 2 | 19 | 19 | - | 9 | 9 | 1 | - | 19 | - | - | - | 19 | - |

4.2. ANGAŽOVANJE SLUŽBE ZAŠTITE OD POŽARA

Služba za zaštitu od požara formira se za vršenje poslova koji se odnose na gašenje požara, odnosno spašavanje ljudi i materijalnih dobara koja su ugrožena požarom i to:

a) u fazi spašavanja:

- obavlja evakuaciju ljudi, životinja, materijalno-tehničkih, kulturnih i historijskih dobara koja se u tom trenutku nalaze na ugroženom području;
- učestvuje u gašenju požara;
- u toku gašenja požara, saraduje sa drugim snagama angažiranim na gašenju požara;
- organizira gašenje požara na ugroženom području,
- obavlja spašavanje ljudi iz zadimljenih i zapaljenih prostorija i evakuira ljude iz zone požara;
- obavlja sprečavanje prenošenja vatre na okolne objekte;
- učestvuje i u drugim akcijama zaštite i spašavanja po naređenju općinskog Štaba civilne zaštite, - u obavljanju navedenih poslova ostvaruje saradnju s vatrogasnim jedinicama koje djeluju na području požara.

b) u fazi otklanjanja posljedica

- osigurava požarište po završetku akcije gašenja požara,
- sudjeluje u uklanjanju uništenih sredstava na području koje je zahvaćeno požarom,
- učestvuje i u drugim akcijama zaštite i spašavanja po naređenju općinskog Štaba civilne zaštite,

5. ZAŠTITA OD POŽARA

5.1 APARATI ZA POČETNO GAŠENJE POŽARA

Vatrogasna jedinica Tešanj u 2013. godini servisirala je 8237 vatrogasih aparata različitih vrsta i tipova aparata. Stanje aparata za početno gašenje požara u određenom broju privatnih preduzeća, javnih ustanova i dr. nisu na zadovoljavajućem nivou: uglavnom je to manji broj aparata u odnosu na površinu objekta i požarno opterećenje objekta, u nekim preduzećima nisu pravilno raspoređeni ili je teško doći do njih.

5.2 SNABDIJEVANJE VODOM STANOVNIŠTVA

Nakon nastanka sušnog perioda u mjesecu avgustu zbog nedostatka pitke vode Služba civilne zaštite Odjeljenje zaštite od požara i vatrogastva-Profesionalna vatrogasna jedinica je zadužena za snabdijevanje pitkom vodom stanovništva mjesne zajednice Trepče, povremeno područnih škola u Trepču, Oraš-planjama i Raduši. Ova jedinica je aktivnost počela 01.08.2013. godine i prema utvrđenom planu vozila se redovno voda za mjesnu zajednicu Trepče svaki dan i to po dvije cisterne dnevno a ponekad i tri, a osnovne škole, OŠ „Rešad Kadić“ podružnica Oraš-planje, OŠ „9. septembar“ Medakovo, podružnica Trepče i OŠ „Huso Hodžić“ podružnica Raduša, su snabdijevane prema njihovim potrebama odnosno zahtjevima.

Napomena: svi iskazani troškovi su bili na teret općine Tešanj, stanovnici nisu imali nikakvih troškova po ovom osnovu.

Tabela br: 5

| Red. Br. | Lokacija | Cisterni vode | Količina vode | Potrošnja goriva | Troškovi vanrednih sati | Troškovi popravke vozila |
|----------|--|---------------|---------------------------------------|--------------------------------|------------------------------|----------------------------|
| 1. | MZ Trepče | 206 | 1030 m ³ | | | |
| 2. | OŠ „Huso Hodžić“ podružnica Raduša | 1 | 5 m ³ | | | |
| 3. | OŠ „Rešad Kadić“ podružnica Oraš-planje | 1 | 5 m ³ | | | |
| 4. | OŠ „9. septembar“ Medakovo podružnica Trepče | 1 | 5 m ³ | | | |
| 5. | UKUPNO: | 209 | 1045 m³ (x 3 KM) | 937 lit. (x 2,40 KM) | 824 sata (x 5 KM) | 450,00 KM |
| | | | 3.135,00 KM | 2.248,80 KM | 4.120,00 KM | 450,00 KM |
| | | | UKUPNO: | | 9.953,80 KM | |
| | | | Ukupno za 2012. god. | | 15.850,00 KM | |
| | | | Ukupno za 2011. god. | | 14.492,15 KM | |

5.3 HIDRANTSKA MREŽA

Prema članu 49. Zakona o zaštiti od požara i vatrogastvu (Službene novine Federacije BiH br:64/09), članu 43. Zakona o zaštiti od požara i vatrogastvu (Službene novine ZE-DO kantona br: 05/11) i prema Pravilniku o tehničkim normativima za vanjsku i unutrašnju hidrantsku mrežu za gašenje požara (Službene novine Federacije BiH br:87/11), „javno preduzeće ili drugo pravno lice koje upravlja vodovodnom i hidrantskom mrežom, dužno je pri izgradnji, rekonstrukciji i korištenju ovih mreža, osigurati propisni kapacitet i pritisak vode u hidrantskoj odnosno vodovodnoj mreži za potrebe gašenja požara „ tj. „ javna preduzeća i druga pravna lica dužna su stalno održavati u ispravnom stanju hidrantsku mrežu, o čemu vode odgovarajuću evidenciju i o tome izvještavaju nadležnu profesionalnu vatrogasnu jedinicu“, što je u konkretnom slučaju za javni vodovod nadležnost KP „RAD“ DD Tešanj , a mjesnih vodovoda Mjesne zajednice koje upravljaju istim ili preduzeća koja upravljaju.

Prema pregledu i kontroli hidrantske mreže za područje općine Tešanj, prikazujemo stanje hidrantske mreže za 2013. godinu:

Tabela: 6

| Red. br. | MJESTO | BROJ HIDRANATA | | | VRSTA HIDRANTA | NAPOMENA |
|----------|---------------------|----------------|------------|-----------|----------------|--|
| | | ISPRAVNI | NEISPRAVNI | UKUPNO | | |
| 1. | Tešanj | 17 | 5 | 22 | Podzemni | |
| 2. | Tešanj | 19 | 3 | 22 | Podzemni | Lokacije – zamjena hidranata: 1.Ul. Braće Pobrić Tešanj – kod Farex zgrade; 2. Ul.Gazi Ferhadbegova kog Medžlisa IZ; 3. Ul.9.septembar – preko puta skretanja za Elektrodistribuciju. |
| 3. | Jelah | 11 | 8 | 19 | Podzemni | |
| 4. | Jelah | 16 | 3 | 19 | Podzemni | Lokacije – zamjena hidranata: 1.Ul. Husein kap. Gradašćevića – preko puta EP benzinske pumpe; 2. Jelah polje – kod kuće Ahmeta Kondžića; 3. Jelah Polje – kod kuće Mehmeda Mujkića. |
| 5. | Vukovo | 3 | 2 | 5 | Podzemni | |
| 6. | Vukovo | 4 | 1 | 5 | podzemni | 1.Kod Džamije Vukovo – osposobljen; 2. Banovci – Hidrant prekriven asfaltom prilikom izgradnje puta – na velikoj dubini. |
| 7. | Čifluk | 1 | 2 | 3 | Podzemni | |
| 8. | Čifluk | 2 | 1 | 3 | podzemni | 1.Hidrant je ukinut zbog pucanja; 2.Hidrant je ispravan – nedostaje hidrantska kapa. |
| 9. | Potočani | 2 | 0 | 2 | Podzemni | |
| 10. | Cerovac | 0 | 1 | 1 | Podzemni | Ovaj hidrant nije napojen vodom zbog rekonstrukcije mreže. |
| 11. | Miljanovci -Lončari | / | / | / | | Nemamo ispitivanje i mjerenje |
| 12. | Miljanovci Novi | / | / | / | | Nemamo ispitivanje i mjerenje |
| 13. | Piljužići | / | / | / | | Nemamo ispitivanje i mjerenje |
| 14. | Novo selo | / | / | / | | Nemamo ispitivanje i mjerenje |
| | UKUPNO: | 34 | 18 | 52 | | |

Napominjemo da od rednog broja: 7 – 9 su mjesne zajednice gdje je instalirana nova vodovodna i hidrantska mreža i nije urađeno mjerenje za iste.

Redni broj 10. Mjesna zajednica Novo-selo, hidrantska mreža pripada preduzeću „Rosa” doo, gdje isto tako nije urađeno ispitivanje i mjerenje protoka na hidrantskoj mreži.

Služba civilne zaštite u saradnji sa JP „RAD“ DD Tešanj je u fazi rješavanja hidrantske mreže, popravke neispravnih hidranata i instaliranje 6 novih hidranata.

6. U cilju objektivnog praćenja efikasnosti i efektivnosti Vatrogasne jedinice, potrebno je:

- **Nastaviti popunu Vatrogasne jedinice u skladu sa Procjenom ugroženosti od požara općine Tešanj, Planom zaštite od požara općine Tešanj i u skladu sa budžetom (najvažniji cilj).**
- Kontinuirano planirati nabavku vatrogasnih vozila, opreme i drugih materijalnih sredstva, prema potrebi Vatrogasne jedinice i u skladu sa finansijskim mogućnostima,
- U saradnji sa JP „RAD“ DD Tešanj po prioritetu Vatrogasne jedinice osim održavanja i ispitivanja i instalirati nove hidrante u skladu sa finansijskim mogućnostima,
- Nastaviti sa edukacijom profesionalnih vatrogasaca sa posebnim akcentom na edukaciju mladih vatrogasaca i edukaciju iz specijalističkih oblasti zaštite i spašavanja,
- U narednom periodu nastaviti sa podrškom jačanju i osposobljavanju dobrovoljnih vatrogasnih jedinica formiranih u dobrovoljnim vatrogasnim društvima.
- Uspostaviti još bolju saradnju sa susjednim profesionalnim vatrogasnim jedinicama i dobrovoljnim društvima u svim segmentima,

OBRADIVAC
POMOĆNIK OPĆINSKOG NAČELNIKA
U SLUŽBI CIVILNE ZAŠTITE
Mensur Saletović, prof.



PREDLAGAČ:
OPĆINSKI NAČELNIK
Mr. Sc. Suad Huskić, profesor



Datum: 10.04. 2014.godine
Broj:02-44-6-815/14